

Uslovi za korištenje usluga internetskog pristupa sistemu Komisije za vrijednosne papire Federacije Bosne i Hercegovine

Uslovi za korištenje usluga internetskog pristupa sistemu Komisije za vrijednosne papire Federacije Bosne i Hercegovine (u daljem tekstu: Uslovi korištenja) regulišu odnos između vas (u daljem tekstu: Korisnik) i Komisije za vrijednosne papire Federacije Bosne i Hercegovine (u daljem tekstu: Komisija). Korisnik pristaje i saglasan je da postupa u skladu sa Uslovima korištenja.

Sistem za elektronsko prikupljanje informacija Komisije (u daljem tekstu: e-KVP) omogućava korisniku da u elektronskom obliku dostavlja Komisiji izvještaje koji su propisani Zakonom o tržištu vrijednosnih papira („Službene novine Federacije BiH“, 85/08, 109/12, 86/15, 25/17) i podzakonskim aktima Komisije.

- Komisija vrši prijem, arhiviranje i analizu svih izvještaja i informacija koji su sadržane u njima.
- Korisnik prihvata da su svi podaci, sadržaj, grafika, tekst, zaštitni znaci, logotipi i svi ostali materijali sadržani u ovim internetskim stranicama zaštićeni propisima prava intelektualnog vlasništva.
- Komisija zadržava pravo da objavljuje informacije iz izvještaja koje korisnik dostavlja, u slučaju da su ti izvještaji javne prirode, odnosno da je tako definisano relevantnim zakonskim i podzakonskim aktima.
- Korisnik odgovara za tačnost, ažurnost i istinitost informacija, odnosno izvještaja koje dostavlja Komisiji putem e-KVP.
- Komisija neće odgovarati iz bilo kojeg razloga za bilo kakva potraživanja, gubitke, štetu, trošak ili izdatak bilo koje vrste koji bi proizlazili direktno ili indirektno iz korištenja e-KVP, ili neovlaštenog pristupa ovim stranicama ili su na bilo koji drugi način u vezi s ovim stranicama.
- Komisija je preduzela mjere sigurnosti kojima informacije koje se dostavljaju putem e-KVP štiti od gubitka, zloupotrebe ili neovlaštenog sticanja od strane trećih lica. Međutim, nije moguće postići potpunu sigurnost i zaštitu privatnosti na internetu. Zbog toga Komisija ne prihvata nikakvu odgovornost za bilo kakvu štetu koju možete pretrpiti kao posljedicu zloupotrebe, izmjene ili neovlaštenog preuzimanja informacija koje se prenose putem interneta.
- Komisija zadržava pravo izmjene ovih Uslova korištenja bez prethodnog upozoravanja korisnika. Takve izmjene obavezuju korisnika, te vam preporučujemo da ovu stranicu često posjećujete kako bi bili blagovremeno i potpuno informisani o njenom sadržaju.
- U slučaju povrede odredbi Uslova korištenja, Komisija zadržava pravo da koristi sva sredstva koja joj stoje na raspolaganju u skladu sa pravnim propisima, uključujući i pravo da spriječi pristup na ove internetske stranice sa određene internetske adrese.

Ova politika zaštite privatnih podataka pojašnjava politiku Komisije u vezi sa prikupljanjem, korištenjem i objavljivanjem informacija koje Komisija prikuplja o korisnicima e-KVP, odnosno informacije koje su ili dio izvještaja koji se dostavljaju putem e-KVP, ili dio Registra učesnika na tržištu kapitala, koji se vodi kod Komisije. Komisija će ograničiti informacije koje prikuplja u skladu sa potrebama koje su uslovljene svrhom u koju se informacije prikupljaju. Ukoliko Komisija namjerava koristiti informacije u bilo koju drugu svrhu, prije toga će zatražiti vaš pristanak.

Internetska adresa e-KVP je: komvp.gov.ba/e-kvp, dok je internetska adresa Komisije www.komvp.gov.ba. Svaka slična adresa koja se može pojaviti na internetu nema direktne niti indirektno veze sa Komisijom.